

唐
折
衝
府
考

府兵始自西魏僅有百府周隋之世間有增置至唐而其制始備隸後曠騎設而府兵壞召募興而府兵廢卒至藩鎮驕恣外重內輕唐祚陵遲不能救振職此之由府兵之制新舊書不甚詳備立府之數亦言人人殊要當以鄴侯外傳所云六百三十府者爲據陸宣公論關中事宜狀所云八百餘所在關中者五百蓋約舉其大數爾又唐於西域置軍府一百四十七南蠻東女等國皆例授將軍中郎果毅等官則外裔亦嘗置軍府矣然府名見於新書地理志者僅存十之六七京兆府百三十一志僅存十一復有一府而重見者有數府而誤其所屬者脫落舛誤考核綦難吾友勞君笙士考諸新舊

書紀傳參以傳記地理之書及諸家文集石刻碑誌
鉤稽薈萃箸爲此考書垂成而君遽歿其季子季言秀
才格編其遺藁補輯成書而勾子爲之序是書首卷載
折衝府廢置之由凡新舊書及六典通典諸書所列折
衝府制廣爲甄錄并列全文有復出者亦仍其舊全同
者則僅列其目閒有涉及府制者別爲雜錄繫之於後
餘卷分載府名凡官於其府及置府之因地立名者詳
爲引證志缺而見於他書者則補於每州之後所隸之
衛尚有可考者則列衛名於府上所補之府無可考其
所屬之州者彙爲補遺附後卽有與諸州地名相同者
但云某府疑屬某州概不敢以凡決凡補府百單九存

疑者合志所存四百四十八府共得五百五十七府於

五府新志之羸亂者如京兆府相原等五府誤屬華州檀州

密雲府誤屬媯州軒轅本作轅轅修武一爲修改則据

羣書以訂正之其重見者如陝州絳州之古亭府

易州古亭

府係石亭之誤今以石刻校正晉州澤州之白澗府涼州則麗水置府

見元和郡縣圖志而復見於梁州懷州則懷仁改名見

唐大詔令而重出於京兆則存疑以待考至唐代諸州

初分屬十道後分隸十五道割隸無常廢置不定茲以

天寶八載以前所屬之道爲定而於各州下略注沿革

更改使可參考予深歎其援引該洽考訂精詳俾有唐

一代兵制庶稍詳備拾遺補闕有功於史者實多遂爲

敘其端厓以爲是書之發凡焉余始識君方各事撰述
余時爲唐郎官石柱題名及御史臺精舍題名考而君
適著是書乃中年徂謝所擬續著俱未遑綴緝此編亦
幸得季言繼志纂成雖未足盡君之蘊而君要於是爲
不朽矣季言勤勤先著有足多者倘能踵成其先人未
竟之緒余於季言有厚望焉余年來衰遲晚晚題名兩
編屬藁垂半今亦託付季言是則余能虛其區區之
心力者亦終賴季言以傳矣

道光二十一年辛丑十一月辛亥朔二十有二日壬申
同邑趙鉞謹序

唐折衝府考卷一

仁和勞經原

舊書職官志

正第四品上階

上府折衝都尉

武德初爲統軍正四品下後改爲折衝都尉垂拱令始分爲上中下府改定官

品武職事官

從弟四品下階

中府折衝都尉

武職事官

正第五品下階

下府折衝都尉

武職事官

從弟五品下階

上府果毅都尉

武職
事官

正弟六品上階

中府果毅都尉

武職
事官

從弟六品下階

下府果毅都尉

武職事官
新書正六品下
案

正弟七品下階

上府別將

武德令別將正五品上
後改爲果毅

上府長

史

武德令統軍長史正
八品下
文職事官

從弟七品上階

中府別將

武職
事官

中府長史

文職
事官

從弟七品下階

下府別將

武職事官

下府長史

文職事官

諸折衝府校尉

衛官武德令諸

府校尉正六品下

從弟八品上階

諸府旅帥

衛官武德乾封令諸府旅帥正七品下

從弟八品下階

上府兵曹

文職事官案新書正八品下

正弟九品下階

中府兵曹

文職事官諸折衝府隊正衛官

從弟九品上階

下府兵曹

文職事官

從弟九品下階

諸折衝府隊副官

諸府

隋置驃騎鷹揚等府凡天下守戍兵不成軍曰牙府有上中下也

折衝都尉各一

人

上府都尉正四品上中府從四品下下府正五品下武德中採隋折衝果毅郎將之名改統軍爲折衝都

尉別將爲

左右果毅都尉各一人

上府果毅從五品下中府正六品上下府

從六品下隋煬帝置果毅郎將國家置折衝都尉

別將各一人

上府別將正七品下中府從七

品上下府長史一人

上府正七品下中府從七品上下府從七品下

兵曹參軍

一人

上府從八品下中府正九品上下府從九品上

錄事一人校尉五人每

校尉旅帥二人每旅帥隊正副隊正各二人諸府折衝

都尉掌領五校之屬以備宿衛以從師役總其戎具資

糧差點教習之法令凡衛士三百人爲一團以校尉領

之以便習騎射者爲越騎餘爲步兵其團十人爲火

備六馱之馬每歲十一月以衛士帳上尚書省天下兵馬之數以聞凡兵馬在府每歲季冬折衝都尉率五校之屬以教其軍陣戰鬪之法也

具在教習簿籍

新書高祖紀

武德元年九月乙巳始置軍府

新書百官志

諸衛折衝都尉府每府折衝都尉一人上府正四品上中府從四品下下府正五品下左右果毅都尉各一人上府從五品下中府正六品上下府正六品下別將各一人上府正七品下中府從七品上下府從七品下長史各一人上府正七品下中府從七品上下府從七品

下其曹參軍事各一人上府正八品下中府正九品下
下府從九品上校尉五人從七品下旅帥十人從八品
上隊正二十人正九品下副隊正二十人從九品下折
衝都尉掌領屬備宿衛師役則總戎具資糧點習以三
百人爲團一校尉領之捉捕持更者晨夜有行人必問
不應則彈弓而嚮之復不應則笏射又不應則射之晝
以排門人遠望暮夜以持更人遠聽有衆而囂則告主

帥

左右果毅都尉掌貳都尉

每府有錄事一人府一人史一人每

隊正領兵五十人武德元年改鷹揚郎將曰軍頭正四
品下飛擊郎將曰府副正五品上司馬曰長史正八品
下校尉正六品下旅帥正七品下廢越騎步兵二校尉
及寮非據又改軍頭曰驃騎將軍府副曰車騎將軍皆

爲府諸率府置驃騎將軍五人車騎將軍十人二年以
車騎將軍軍府置驃騎將軍置十二軍分關內諸府皆隸焉
每軍將軍軍一人副一人至六年廢七年改驃騎將軍府
爲統軍府車騎將軍爲別將八年復置十二軍貞觀十
年改統軍府曰折衝都尉別將曰果毅都尉軍坊置坊
主一人檢校戶口勸課農桑以本坊五品勳官爲之三
輔及近畿州都督府皆置府凡六百三十三才徵中廢
長史置司馬一人總司兵司騎二局武后垂拱中以千
二百人爲上府千人爲中府八百人爲下府赤縣爲赤
府畿縣爲畿府聖德元年廢司馬置長史兵曹參軍事
又有別將一人從六品下居果毅都尉之次其後分左
右各一人尋廢久之復置一人降其品開元初衛士爲
武士諸衛折衝果毅別將擇有行者爲展仗押官右羽
林軍十五人左羽林軍二十五人衣服同色諸衛有弩
手左右驍衛各八十三人
人餘衛各八十三人

新書兵志

府兵之制起自西魏後周而備於隋唐興因之隋制十
二衛曰翊衛曰驍騎衛曰武衛曰屯衛曰禦衛曰候衛

爲左右皆有將軍以分統諸府之兵府有郎將副郎將坊主團主以相統治又有驃騎車騎二府皆有將軍後更驃騎曰鷹揚郎將車騎曰副郎將別置折衝果毅自高祖初起開大將軍府以建成爲左領大都督領左三軍燉煌公爲右領大都督領右三軍元吉統中軍發自太原有兵三萬人及諸起義以相屬與降羣盜得兵二十萬武德初始置軍府以驃騎車騎兩將軍府領之析關中爲十二道曰萬年道長安道富平道醴泉道同州道華州道寧州道岐州道幽州道西麟州道涇州道宜州道皆置府三年更以萬年道爲參旗軍長安道爲鼓旗軍富平道爲元戈軍醴泉道爲井鉞軍同州道爲羽

林軍華州道爲騎官軍寧州道爲折威軍岐州道爲平

道軍幽州道爲招搖軍西麟州道爲苑游軍案唐會要作游奕軍

涇州道爲天紀軍宜州道爲天節軍軍置將副各一人

以督耕戰以車騎府統之六年以天下既定遂廢十二

軍改驃騎曰統軍車騎曰別將居歲餘十二軍復而軍

置將軍一人軍有坊置主一人以檢察戶口勸課農桑

太宗貞觀十年更號統軍爲折衝都尉別將爲果毅都

尉諸府總曰折衝府凡天下十道置府六百三十四皆

有名號而關內二百六十有一錢氏大略云今據地理志所載軍府數之關內

道二百七十三又延州新置府二河南道六十二河東

道一百四十一河北道三十山南道十隴右道二十九

淮南道六江南道二劍南道十嶺南道三實止五百六

十六而關內乃有二百七十三與志頗不相應而百官

志云三輔及近畿州都督府皆置府凡六百三十三則
又與兩數俱別杜氏通典州郡篇云折衝府五百九十
三職官篇則云五百七十四府王溥唐會要云關內置
府二百六十一又置折衝府二百八十通計舊府六百
三十三陸宣公奏議云太宗置府八百七十七有四百
杜牧原十六衛篇云外開折衝府五百七十有四百伯
厚引鄴侯家傳云諸道共六百三十府又引理道要訣
云五百九十三理道要訣十卷杜佑撰唐人述府兵之
數言人人殊宜乎皆以隸諸衛凡府三等兵千二百人
史家莫適從也

爲上千人爲中八百人爲下府置折衝都尉一人左右
果毅都尉各一人長史兵曹別將各一人校尉六人土
以三百人爲團團有校尉五十人爲隊隊有正十人爲
火火有長火備六馱馬凡火具烏布幕鐵馬孟布槽鍤
纓鑿確筐斧鉗鋸皆一甲牀二鎌二隊具火鑽一曾馬
繩一首羈足絆皆三人具弓一矢三十胡祿橫刀礪石

大觶氈帽氈裝行滕皆一麥飯九斗米二斗皆自備并其介冑戎具藏於庫有所征行則視其入而出給之其番上宿衛者惟給弓矢橫刀而已凡民年二十爲兵六十而免其能騎而射者爲越騎其餘爲步兵武騎排積手步射每歲季冬折衝都尉率五校兵馬之在府者置左右二校尉位相距百步每校爲步隊十騎隊一皆卷稍幡展刃旗散立以俟角手吹大角一通諸校皆斂人騎爲隊二通偃旗稍解幡三通旗稍舉左右校擊鼓二校之人合譟而進右校擊鉦隊少卻左校進逐至右校立所左校擊鉦少卻右校進逐至左校立所右校復擊鉦隊還左校復薄戰皆擊鉦隊各還大角復鳴一通皆

卷幡攝矢弛弓匣刃二通旗稍舉隊皆進三通左右校皆引還是日也因縱獵獲各入其人其隸於衛也左右衛皆領六十府諸衛領五十至四十其餘以隸東宮六率凡發府兵皆下符契州刺史與折衝勘契乃發若全府發則折衝都尉以下皆行不盡則果毅行少則別將行當給馬者官予其直市之每匹予錢二萬五千刺史折衝果毅歲閱不任戰事者鬻之以其錢更市不足則一府共足之凡當宿衛者番上兵部以遠近給番五百里爲五番千里七番一千五百里八番二千里十番外爲十二番皆一月上若簡留直衛者五百里爲七番千里八番二千里十番外爲十二番亦月上先天二年詔

曰往者分建府衛計戶充兵裁足周事二十一入募六十一出軍多憚勞以規避匿今宜取年二十五以上五十而免屢征鎮者十年免之雖有其言而事不克行○元宗開元六年始詔折衝府兵每六歲一簡自高宗武后時天下久不用兵府兵之法寢壞番役更代多不以時衛士稍稍亾匿至是益耗散宿衛不能給宰相張說乃請一切募士宿衛十一年取京兆蒲同岐華府兵及白丁而益以潞州長從兵共十二萬號長從宿衛歲二番命尚書左丞蕭嵩與州吏共選之明年更號曰彊騎又詔諸州府馬闕官私共補之今兵貧難致乃給以監牧馬然自是諸府士益多不補折衝將又積歲不得遷士

人皆恥爲之十三年始以曠騎分隸十二衛總十二萬爲六番每衛萬人京兆曠騎六萬六千華州六千同州九千蒲州萬二千三百絳州三千六百晉州千五百岐州六千河南府三千陝虢汝鄭懷汴六州各六百內弩手六千其制皆擇下戶白丁宗丁品子彊壯五尺七寸以上不足則兼以戶八等五尺以上皆免征鎮賦役爲四籍兵部及州縣衛分掌之十人爲火五火爲團皆有首長又擇材勇者爲番頭頗習弩射又有羽林軍飛騎亦習弩凡伏遠弩自能施張縱矢三百步四發而二中擘張弩二百三十步四發而二中角弓弩二百步四發而三中單弓弩百六十步四發而二中皆爲及第諸軍

皆近營爲塙士有便習者教試之及弟者有賞自天寶以後彊騎之法又稍變廢士皆失拊循八載折衝諸府至無兵可交李林甫遂請停上下魚書其後徒有兵額官吏而戎器馱馬鍋幕糗糧並廢矣故時府人目番上宿衛者曰侍官言侍衛天子至是衛佐悉以假人爲童奴京師人恥之至相罵辱必曰侍官而六軍宿衛皆市人富者販繒綵食粱肉壯者爲角觝拔河翹木扛鐵之戲及祿山反皆不能受甲矣初府兵之置居無事時耕於野其番上者宿衛京師而已若四方有事則命將以出事解輒罷兵散于府將歸于朝故士不失業而將帥無握兵之重所以防微漸絕禍亂之萌也及府兵法壞

而方鎮威武夫悍將雖無事時據要險專方面既有其土地又有其人民又有其甲兵又有其財賦以布列天下然則方鎮不得不彊京師不得不弱故曰措置之勢使然者以此也

唐六典

諸衛折衝都尉府

每府折衝都尉一人

左果毅都尉一人

右果毅都尉一人

別將一人

長史一人

錄事一人

案新書錄事下有府一人

史二人

兵曹參軍事一人

府二人

史三人

校尉五人

旅帥十人

隊正二十人

副隊正二十人

諸府折衝都尉各一人

上府正四品上中府從四品上下府正五品下案井田之法而

備軍政至秦廢井田置郡縣尉爲太守之二而主兵至漢改四都尉九武職多以尉爲補後漢省都尉至隋左

右衛左右武衛左右武衛各領軍坊鄉團以統戎卒開
皇初又置驃騎將軍府每府有驃騎將軍車騎將軍大
業三年改置鷹揚府每府改驃騎為鷹揚即將軍騎為
鷹揚副郎將五年又以鷹揚副郎將為鷹擊郎將皇朝
武德初因隋鷹揚
府依開皇舊名置

材老弱少壯各為之簿以進退為此條有缺文

長史掌判兵事倉儲車馬介冑之事及其簿書會要之
法

兵曹掌兵吏糧倉公廨財物田園課稅之事與其出入
勾檢之法每月簿番上衛士之數以上衛每歲簿錄事
及府史捉圖品于補上年月姓名以上于州申考功兵
部

折衝府

果毅別將等附

隋初左右衛左右武衛左右武候各領軍坊鄉團以統戎卒開皇中置驃騎將軍府每府置驃騎車騎二將軍大業三年改驃騎府爲鷹揚府改驃騎將軍爲鷹揚郎將改車騎將軍爲鷹揚副郎將五年又以鷹揚副郎將爲鷹擊郎將九年別置折衝果毅及武勇雄武等郎將官以統領驍果大唐武德初猶有驃騎府及驃騎車騎將軍之制武德七年乃改驃騎爲統軍車騎爲別將貞觀十年復採隋折衝果毅郎將之名改統軍爲折衝都尉別將爲果毅都尉魏有折衝將軍後周有成議別將官其名因此其府多因其地各自爲名無鷹揚之號凡五百七十四府分置於諸州而名隸諸衛

及東宮率府各領兵滿一千二百人爲上府

兩京城內雖不滿此

數亦同上府

千人爲中府

兩畿及岐同華懷陝等五州所管府雖不滿此數亦同上府

八

百人爲下府每府置折衝都尉一人

掌領校尉以下衛及衛士以上總

判府事

左右果毅都尉各一人

掌通判春秋傳曰戎昭果毅又曰毅融爲果致果謂

之毅場帝始置後改將爲之案將上疑脫別字

別將一人

不判府事若無兵曹以上卽知府事初別

將既改爲果毅而府中有長史員案員上疑脫一

字聖三年廢長史置別將一員後又兼置長史

長史

一人

通判載初元年置

兵曹一人

判府事付事勾稽監印給紙筆

校尉六人

以下

小吏各有差若校尉以下唯人數置之

凡府在赤縣爲赤府在畿縣爲畿

府衛士以三百人爲團團有校尉五十人爲隊隊有正

十人爲火火有

案疑脫長火二字

備六馱馬驢

初置八馱後改爲六

米糧

介冑戎器鍋幕貯之府庫以備武事每歲十一月以衛

士帳上于兵部以候徵發天下衛士向六十萬人

初置以成

丁而入六十出役其家不免征徭遂漸逃散年月漸久逃死者不補天寶八年五月停折

衝府

以無兵可校之

十一年八月改諸衛士爲武士

通志職官略

文同通典不錄

文獻通考職官考

文同通典不錄

文獻通考兵考

兵制

周太祖輔西魏時用蘇綽言始倣周典置六軍籍六等之民擇魁健材力之士以爲之首盡蠲租調而刺史以農隙教之合爲百府每府一將主之分屬二十四軍開府各領一軍大將軍凡十二人每一將軍統二開府

一柱國主二大將將復加持節都督以統焉凡柱國六員眾不滿五萬人

閔帝時改八丁兵爲十二丁兵率歲一月一役

武帝旣誅晉公護始親政初周太祖爲魏相立左右十二軍總屬相府太祖殂皆受晉公護處分凡所徵發非護書不行護弟屯兵侍衛盛於宮闕帝旣親政始收兵權旣克齊之後并相各置六府而東北別爲七總管

隋兵制大抵仍周齊府兵之舊而加潤色其十二衛曰翊衛曰驍騎衛曰武衛曰屯衛曰禦衛曰候衛各分左右皆置將軍以分統諸府之兵有郎將副將坊主圍主以相統治其外又有驃騎車騎二府皆有將軍後更驃

騎曰鷹揚郎將車騎曰副郎將別置折衝果毅此府兵之大略也

文帝開皇十年詔曰魏末喪亂軍人權置坊府南征北伐居處無定家無完堵地罕包桑朕甚愍之凡是軍人可悉屬州縣墾田籍帳一與民同軍府統領宜依舊式罷山東河南及北方緣邊之地新置軍府

唐高祖初起兵開大將軍府以建成爲左領大都督領左三軍太宗爲右領大都督領右三軍元吉統中軍發自太原有兵三萬人及諸起義以相屬與降羣盜得兵二十萬武德初始置軍府以驃騎車騎兩將軍府領之析關中爲十二道曰萬年道長安道富平道醴泉道同

州道華州道寧州道岐州道幽州道西麟州道涇州道
宐州道皆置府時以天下未定將舉關中之眾以臨四
方三年更以萬年道爲參旗軍長安道爲鼓旗軍富平
道爲元戈軍醴泉道爲井鉞軍同州道爲羽林軍華州
道爲騎官軍寧州道爲折威軍岐州道爲平道軍幽州
道爲招搖軍西麟州道爲苑游軍涇州道爲天紀軍宐
州道爲天節軍軍置將副各一人以督耕戰以車騎府
統之六年以天下既定遂廢十二軍改驃騎曰統軍車
騎曰別將居歲餘十二軍復而軍置將軍一人軍有坊
置主一人以檢察戶口勸課農桑

太宗貞觀十年更號統軍爲折衝都尉別將爲果毅都

尉諸府總曰折衝府凡天下十道置府六百三十四皆有名號而關內二百六十有一皆以隸諸衛凡府三等兵千二百人爲上千人爲中八百人爲下府置折衝都尉一人左右果毅都尉各一人長史兵曹別將各一人校尉六人士以三百人爲團團有校尉五十人爲隊隊有正十人爲火火有長火備六馱馬凡火具烏布幕鐵馬孟布槽鍤鑿碓筐斧鉗鋸皆一甲牀二鎌二隊具火鎖一胷馬繩一首羈足絆皆三人具弓一矢三十胡祿橫刀礪石大觶氈帽氈裝行滕皆一麥飯九斗米二斗皆自備并其介冑戎具藏於庫有所征行則視其入而出給之其番上宿衛者惟給弓矢橫刀而已凡民年

二十爲兵六十而免其能騎而射者爲越騎其餘爲步兵武騎排積手步射每歲季冬折衝都尉率五校兵馬之在府者置左右二校尉位相距百步每校爲步隊十騎隊一皆卷稍幡展刃旗散立以俟角手吹大角一通諸校皆斂人騎爲隊二通偃旗稍解幡三通旗稍舉左右校擊鼓二校之人合譟而進右校擊鉦隊少卻左校進逐至右校立所左校擊鉦少卻右校進逐至左校立所右校復擊鉦隊還左校復薄戰皆擊鉦隊各還大角復鳴一通皆卷幡攝矢弛弓匣刃二通旗稍舉隊皆進三通左右校皆引還是日也因縱獵獲各入其人其隸於衛也左右衛皆領六十府諸衛領五十至四十其餘

以隸東宮六率凡發府兵皆下符契州刺史與折衝勘契乃發若全府發則折衝都尉以下皆行不盡則果毅行少則別將行當給馬者官予其直市之每匹予錢二萬五千刺史折衝果毅歲閱不任戰事者鬻之以其錢更市不足則一府共足之凡當宿衛者番上兵部以遠近給番五百里爲五番千里七番一千五百里八番二千里十番外爲十二番皆以月上若簡留直衛者五百里爲七番千里八番二千里十番外爲十二番亦月上上嘗引諸衛將卒習射於顯德殿諭之曰戎狄侵盜自古有之患在邊境小安則人主逸游忘戰今朕不使汝曹穿池築苑專習弓矢居閑無事則爲汝師突

厥入寇則爲汝將庶幾中國之民可以少安於是日引數百人教射於殿庭上親臨試中多者賞以弓刀帛其將帥亦加上考由是人思自勵數年之間悉爲精銳

府兵圖

上府

千二百人

折衝都尉

左果毅都尉
右果毅都尉

同

長史

一人

府中府

千人

折衝都尉

左果毅都尉
右果毅都尉

兵曹

一人

下府

八百人

折衝都尉

左果毅都尉
右果毅都尉

同

校尉

一人

坊

高祖置

坊主一人

羽林軍

高宗

龍武軍

元宗

團

三百人

校尉

神武軍

肅宗

隊

五十人

隊正

禁軍

神策軍

代宗

英武軍

代宗

火 十人

火長

天威軍順宗

神威軍德宗

章氏曰唐志言凡天下十道置府六百三十四皆有名號而關內二百六十有一皆以隸諸衛會要云折衝府二百八十通計舊府六百三十三陸贄奏議則以爲太宗置府八百在關中者五百杜牧原十六衛上畜養戎臣外開折衝果毅府五百七十有四其數不同府多在關中說者以爲固本漢置都尉亦此意左右衛皆領六十府諸衛領五十至四十其餘以隸東宮十率府而折衝亦隸焉太子管軍非古制也唐只是折衝自敎漢都試之日郡縣之官盡會唐之府兵雖散在諸道然折衝都

唐書卷一百一
尉竝遙隸於諸衛乃是內任官故官志係之於諸
衛之後不與外官同漢都尉不隸於衛尉乃是外
任官故表係之郡守之後與唐異然而領兵則太
守與都尉刺史與折衝同矣唐以遠近分番皆以
一月恐太紛擾漢以二歲更代爲善又唐在二千
里外者亦不免此法所以壞也

元宗先天元年詔曰往者分建府衛計戶充兵裁足周
事二十一入募六十一出軍多憚勞以規避匿令宜取
年二十五以上五十而免屢征鎮者十年免之雖有其
言事不克行開元六年始詔折衝府兵每六歲一簡
自高宗武后時天下久不用兵府兵之法寢壞番役更

代多不以時衛士稍稍亡匿至是益耗散宿衛不能給
宰相張說乃請一切募士宿衛十一年取京兆蒲同岐
華府兵及白丁而益以潞州長從兵共十二萬號長從
宿衛歲一番命尚書左丞蕭嵩與州吏共選之明年更
號曰曠騎又詔諸州府馬闕官私其補之令兵貧難致
乃給以監牧馬然自是諸府士益多不補折衝將又積
歲不得遷士人皆恥爲之十三年始以曠騎分隸十二
衛總十二萬爲六番每衛萬人京兆曠騎六萬六千華
州六千同州九千蒲州萬二千三百絳州三千六百晉
州千五百岐州六千河南府三千陝虢汝鄭懷汴六州
各六百內弩手六千其制皆擇下戶白丁宗丁品子彊

壯五尺七寸以上不足則兼以戶八等五尺以上皆免
征鎮賦役爲四籍兵部及州縣衛分掌之十人爲火五
火爲團皆有首長又擇材勇者爲番頭頗習弩射又有
羽林軍飛騎亦習弩凡伏遠弩自能施張縱矢三百步
四發而二中擘張弩二百三十步四發而二中角弓弩
二百步四發而三中單弓弩百六十步四發而二中皆
爲及弟諸軍皆近營爲塉士有便習者教試之及弟者
有賞自天寶以後曠騎之法又稍變廢士皆失拊循八
載折衝諸府至無兵可交李林甫遂請停上下魚書其
後徒有兵額官吏而戎器馱馬鍋幕糗糧竝廢矣故時
府人目番上宿衛者曰侍官言侍衛天子至衛佐悉以

假人爲童奴京師人恥之至相罵辱必曰侍官而六軍宿衛皆市人富者販繒綵食粱肉壯者爲角觝拔河翹木扛鐵之戲及祿山反皆不能受甲矣

德宗貞元二年上與常侍李泌議復府兵泌因爲上歷敘府兵自西魏以來興廢之由且言府兵平日皆安居田畝每府有折衝領之折衝以農隙教習戰陳國家有事徵發則以符契下其州及府參驗發之至所期處將帥案閱有教習不精者罪其折衝甚者罪及刺史軍還則賜勲加賞便道罷之行者近不踰時遠不經歲高宗以劉仁軌爲洮河鎮守使以圖吐蕃於是始有久戍之役武后以來承平日久府兵寢墮爲人所賤百姓恥之

至蒸熨手足以避其役又牛仙客以積財得宰相邊將效之山東戍卒多齎繒帛自隨邊將誘之寄於府庫晝則苦役夜繫地牢利其死而沒入其財故自天寶以後山東戍卒還者十無二三其殘虐如此然未嘗有外叛內侮殺帥自擅者誠以顧戀田園恐累宗族故也自開元之末張說始募長征兵謂之彊騎其後益爲六軍及李林甫爲相奏諸軍皆募人爲兵兵不土著又無宗族不自重惜忘身徇利禍亂遂生至今爲梗彘使府兵之法常存不廢安有如此下陵上替之患哉陛下思復府兵此乃社稷之福太平有日矣上曰俟平河中當與卿議之

三年上復問泌以復府兵之策對曰今歲徵關東卒戍京西者十七萬人計歲食粟二百四萬斛今粟斗直錢百五十爲錢三百六萬緡國家比遭饑亂經費不充就使有錢亦無粟可糴未暇議復府兵也上曰然將奈何亟減戍卒歸之何如對曰陛下誠能用臣之言可以不減戍卒不擾百姓糧食皆足粟麥日賤府兵亦成上曰果能如之何爲不用對曰此須急爲之過旬日則不及矣今吐蕃久居原蘭之間以牛運糧糧盡牛無所用請發左藏惡緡染爲綵纈因兌項以市之每頭不過二匹計十八萬匹可致六萬餘頭又命諸冶鑄農器糴麥種分賜緣邊軍鎮募戍卒耕荒田而種之約明年麥熟

倍償其種其餘據時價五分增一官爲糴之來春種禾亦如之關中土沃而久荒所收必厚戍卒獲利耕者寢多邊地居人至少軍士月食官糧粟麥無所售其價必賤名爲增價實比今歲所減多矣上曰善卽時命行之泌又言邊地官多闕請募人入粟以補之可足今歲之糧上亦從之因問曰卿言府兵亦集如何對曰戍卒因屯田致富則安於其土不復思歸舊制戍卒三年而代及其將滿下令有願畱者卽以所開田爲永業家人願來者本貫給長牒續食而遣之據應募之數移報本道雖河朔諸帥得免更代之煩亦喜聞矣不過數番則戍卒皆土著乃悉以府兵之法理之是變關中之疲弊爲

富彊也上喜曰如此天下無復事矣泌曰未也臣能用中國之兵使吐蕃自困上曰計將安出對曰臣未敢言之俟麥禾有效然後可議也上固問不對泌意欲結回紇大食雲南與其圖吐蕃令吐蕃所備者多知上素恨回紇恐聞之不悅并屯田之議不行故不冝言旣而戎卒應募願耕屯田者什五六

郡國兵

鄉兵

唐制高祖武德初始置軍府析關中爲十二道以驃騎車騎兩將軍領之

太宗貞觀十年更號統軍爲折衝都尉別將爲果毅都尉諸府總曰折衝府凡天下十道關中置府一百七十

三案一當河南置府六十二河東道置府百三十九案

書地理志一河北道置府十四案新書地理志三十府山南道置

府凡十隴右道置府二十九淮南道置府凡六江南道

置府凡二劍南道置府凡十嶺南道置府凡三共十道

置府五百六十四皆有名號而關中府皆以隸諸衛案

道所置之府皆屬諸衛不惟關中也此誤凡府三等兵千二百人爲上千人

爲中八百人爲下府置折衝都尉一人左右果毅都尉

各一人長史兵曹別將各一人校尉六人士以三百人

爲團圍有校尉五十人爲隊隊有正十人爲火火有長

高宗武后以來府衛之法寢壞變而爲曠騎曠騎變而

方鎮之兵熾矣詳見兵制門

林氏曰唐之府兵折衝都尉雖遙隸於諸衛軍城
守捉實散在於諸道每歲季冬折衝將率兵馬之
在府者置左右校習戰陣之儀步隊騎隊之有其
制擊鉦伐鼓之有其節國無不習之兵然府兵六
百三十四所以三百六十有一在關中固爲重本
計而諸道二百有餘分布錯置亦爲防外設唐初
相制之意非不善也夫何更代法廢諸府之籍不
補折衝之將不遷見兵制及范陽之變所過州縣望
風瓦解如入無人之境外兵益失於不補耳迨至
諸鎮之兵共起討賊其後安史繼亂中國雲擾肅
宗命李光弼等討之號九節度之師大盜旣滅而

武夫戰卒以功起行陣者皆除節度由是方鎮相望於內地朝廷不能制而甘爲姑息之政是以京師有變藩鎮亦驅兵而至朱李之徒相繼犯闕唐祚遂以瓜裂此亦矯重外兵之失也嗟夫輕則盜賊以乘隙重則牧鎮以據兵爲國者安可不權其勢歟

唐會要

府兵

武德元年五月改隋鷹揚郎將爲軍頭六月十九日改軍頭爲驃騎將軍副爲車騎將軍六年五月十六日車騎將軍府隸驃騎府七年三月六日改驃騎將軍爲統

軍車騎爲副統軍至貞觀十年改統軍爲折衝都尉副
爲果毅都尉凡府以衛士一千二百人爲上府一千人
爲中府八百人爲下府在赤縣爲赤府在畿爲畿府衛
士以三百人爲團有校尉五十人爲隊三十人爲火有
長備六馱馬驢初置八馱後改爲六米糧介冑戎器鍋幕貯之府
庫以備武事關內置府三百六十一積兵士十六萬舉
關中之眾以臨四方迺置十二軍分關中諸府以隸焉
每歲十一月以衛士帳上千兵部以俟徵發天下衛士
尚六十萬初置以成丁而入六十出役其家不免征徭
通計舊府六百三十三案上文云凡天下府有六百三十四與此不合河東道
府額亞於關中河北之地人逐漸逃散年月漸久逃歿

者不補三輔漸寡弱宿衛之數不給

永徽三年十一月勅折衝果毅老弱簡退者宜同致仕

開元六年五月二十七日勅請疑折衝府兵每年一簡

黜至時所司條奏

案新書兵志云每六歲一簡通考同與此不合

十一年十一月二十日兵部尙書張說置長從宿衛兵

十萬人於南衙簡京兆蒲同岐等州府兵及白丁准尺

八例一年兩番州縣更不得雜使役仍令尙書左丞蕭

嵩與本州長官同揀擇以聞至十三年二月二十一日

始名曠騎分隸十二衛十六年二月二十五日曠騎弓

手宜改爲左右羽林騎二十六年八月十日勅三衛當

番逢閏併比諸色稍亦艱辛請每至閏月取以次番人

循環當上庶免偏併二十九年閏四月勅應簡三衛曠
騎宜令京畿採訪使御史中丞張倚兼知不須更別差
使從今已後使有移改亦當令一中丞相知勾當

天寶八載五月九日停折衝上府

案當作府上

下魚書以燕

兵可交至末年折衝府但有兵額其軍士戎器六駄鍋
幕糗糧並廢

寶應元年四月十七日畿縣折衝府闕官本縣令攝判
其手力每府不得過一人

玉海兵制

魏六軍 府兵

後魏書西魏大統八年宇文泰倣周典置六軍合爲百

府 每府一即將統之分屬二十四軍開府各領一軍大將軍凡十二人每一大將軍統二府一柱國統二大將軍凡柱國六員復加持節都督以統之十六年籍民之有才力者爲府兵初孝文太和十九年八月乙巳選武勇之士十五萬人爲羽林虎賁充宿衛 隋以府隸於左右十二衛及東宮率府置衛大將軍一人將軍二人即開府之位也

唐府兵 符契 折衝府 十二軍

兵志 古者兵法起於井田周襄王制不復惟唐立府兵之制始一寓之於農唐二百餘年兵大勢三變始盛時有府兵府兵後廢而爲曠騎曠騎廢而方鎮之兵盛其

末也強臣捍將兵布天下而天子亦自置兵於京師曰

禁軍府兵之制起自西魏後周而備於隋

北史周文置十二軍簡詒

將領之

通鑿隋大業二年增改左右翊衛等爲十六府

唐興因之隋制十二衛曰

翊衛曰驍騎衛曰武衛曰屯衛曰禦衛曰候衛分爲左

右皆有將軍以分統諸府之兵府有郎將副郎將坊主

闌主以相統治又有驃騎車騎二府皆有將軍

隋文開皇中置

後更驃騎曰鷹揚郎將車騎曰副郎將

煬帝大業二年改

別置

折衝果毅自高祖初起開大將軍府發太原有兵三萬

人及諸起義以相屬與降羣盜得兵二十萬武德初始

置軍府

元年五月改隋鷹揚郎將爲軍頭六月十九日改軍頭爲驃騎將軍副爲車騎將軍九月乙巳

始置軍府段志元以多

授樂游府車騎將軍以驃騎車騎兩將軍府領之析

關中爲十二道曰萬年道長安道富平道醴泉道同州

道華州道寧州道岐州道幽州道案脫麟州道涇州道

宜州道皆置府分關內諸府統之二年五月三年七月

十一日舊更以萬年道爲參旗軍軍名傳奕所長安

道爲鼓旗軍富平道爲元戈軍醴泉道爲井鉞軍同州

道爲羽林軍華州道爲騎官軍寧州道爲折威軍岐州

道爲平道軍邠州道爲招搖軍西麟案脫麟州字道爲苑游軍

涇州道爲天紀軍宜州道爲天節軍軍置將副各一人

以督耕戰以車騎府統之六年二月二十四日以天下旣定廢

十二軍七年二月改驃騎曰統軍車騎曰別將會要曰居

歲餘十二軍復以突厥爲患八年軍置將軍一人會要三月

六口以太常卿軍有坊置主一人以檢察戶口勸課農
實誕等為將軍

桑太宗貞觀十年更號統軍為折衝都尉別將為果毅

都尉諸府總曰折衝府凡天下十道置府六百三十四

皆有名號而關內二百六十有一皆以隸諸衛

官志垂拱中云

云赤縣為赤府 凡府三等兵千二百人為上千人為中

八百人為下府置折衝都尉一人左右果毅都尉各一

人長史兵曹別將各一人校尉六人

折衝都尉段秀實綏德府果毅都尉

尉屈突疑服詮字郭曜開陽府

折衝都尉崔暉

州三度張守珪幽州長杜劉昌易州

遂城薛仁貴雲泉

朝晟甘泉段秀實隴州大堆府

待價盧龍王仁皎楊

置司馬一人總司兵司騎二局聖

官志永徽中廢長史

曹史兵士以三百人為團團有校尉五十人為隊隊有正

十人爲火火有長火備六馱馬

初置八馱後改爲六

凡火具烏布

幕鐵馬孟布槽鍤鑿雕筐斧鉗鋸皆一甲牀二鎌三隊具火鑽一胷馬繩二首羈足絆皆三人具弓一矢三十胡祿橫刀礪石大觶甕帽甕裝行騰皆一麥飯九斗米二斗皆自備并其介冑戎具藏於庫有所征行則視其出入而給之其番上宿衛者惟給弓矢橫刀而已凡民年二十爲兵六十而免其能騎而射者爲越騎其餘爲步兵武騎排攢手步射每歲季冬折衝都尉率五校兵馬之在府者置左右二校尉位相距百步每校爲步隊十騎隊一皆卷稍幡展刃旗散立以俟角手吹大角一通諸校皆斂人騎爲隊二通偃旗稍解幡三通旗稍

舉左右校擊鼓二校之人合譟而進右校擊鉦隊少郤左校進逐至右校立所左校擊鉦少郤右校進逐至左校立所右校復擊鉦隊還左校復薄戰皆擊鉦隊各還大角復鳴一通皆卷幡攝矢弛弓匣刃二通旗稍舉隊皆進三通左右校皆引還是日也因縱獵獲各入其人其隸於衛也左右衛皆領六十府諸衛領五十至四十其餘以隸東宮六率凡發府兵皆下符契州刺史與折衝勘契乃發若全府發則折衝都尉以下皆行不盡則果毅行少則別將行當給馬看官與其直市之每匹與錢二萬五千刺史折衝果毅歲聞不任戰事者鬻之以其錢更市不足則一府共足之凡當宿衛者番上兵部

以遠近給番五百里爲五番千里七番一千五百里八番二千里十番外爲十二番皆一月上若簡留直衛者五百里爲七番千里八番二千里十番外爲十二番亦月上先天二年詔曰往者分建府衛計戶充兵裁足周事二十一入募六十一出軍多憚勞以規避匿今宜取年二十五以上五十而免屢征鎮者十年免之雖有其言而事不克行元宗開元六年始詔折衝府兵每六歲一簡通鑿開元八年二月壬子勅以役莫重於軍府一簡爲衛士六十乃免宜促其歲限使百姓更迭爲之初府兵之置居無事時畊於野其番上者宿衛京師而已若四方有事則命將以出事解輒罷兵散于府將歸于朝故士不失業而將帥無握兵之重所以防微杜漸

絕禍亂之萌也

番調有時教閱有法統御有律團伍有籍兵雖有籍而府實空將雖有名而

權實去兵將在內而京師實及府兵法壞而方鎮盛

重制兵之術莫善於太宗

會要武德三年

舊紀二年

七月十一日

舊紀王中

下詔曰周置六

軍每習蒐狩漢增八校畢選驍勇今伊洛猶蕪江湖尚

梗各因部校序其統屬改換鉦鐸創造徽章取象天官

作其名號於是置十二衛將軍取威名素重者爲之分

關內諸府隸焉

軍名傳奕所造

關內置府二百六十一精兵士

二十六萬舉關中之眾以臨四方又置折衝府二百八

十通給舊府六百三十三河東道府額亞於關中河北

之地人多壯勇故不置府其諸道亦置每歲十一月以

衛士帳上兵部天下衛士六十萬初置以成丁而入六

十出役其家不免王徭遂漸逃散年月漸久宿衛之數
不給開元六年五月二十七日置折衝府每年一簡點
十一年十一月二十日兵部尚書張說置長從宿衛兵
十萬於南衙十三年二月二十一日號曠騎十六年二
月二十五日壬辰改爲左右羽林騎天寶八載五月九
日癸酉停折衝府上下魚書以無兵可交至末年折衝

府但有兵額官吏而戎器馱馬鍋幕糗糧並廢寶應元
年四月十七日畿縣折衝府缺官本縣令攝判百官

志三輔及近畿州都督府皆置府凡六百三十三通

典其府多因其地各自爲名凡五百七十四理道要訣云唐折衝

府五百九十三杜牧原十六衛云外間折衝果毅府
五百七十四上府不越一千二百人五百七十四府凡

有四十萬人陸贄上疏太宗列置府兵八百所而關中五百舉天下不敵關中則居重馭輕之意也

六典凡天下之府五百九十有四有上中下皆量其遠

邇以定其番弟

舊志同

今以地理志攷之天下有府共

五百六十六計七十五郡關內十九郡有府二百七十

三河東十五郡有府百四十一河南河北十郡有府九

十二河南六十二河北三十山南十隴右二十九淮南

六江南二劍南十嶺南三除關內道餘九道有府二百

九十三總而計之止五百六十六參之兵志置府六百

三十四之數差互不齊官志又云六百三十三恐地理

志所載猶有缺遺

列傳鄭元璠爲參旗將軍令教諸

屯軍法

傅奕武德定十二軍號皆詔奕云

錢九隴

爲苑游將軍

劉宏基爲并鉞將軍督步騎萬人備塞

賀魯傳詔梁建芳等發府兵三萬擊之高宗紀貞

觀二十三年四月以羽檄發六府甲士四千衛入京師

唐關內置府 十道置府

兵志

通鑿同

十道置府六百三十四皆有名號而關內二

百六十一皆以隸諸衛百官志三輔及近畿州都督

府皆置府凡六百三十三會要關內置府二百六十

一積兵士二十六萬舉關中之眾以臨四方地理志

太宗元年分天下爲十道關內道京兆府雍州有府百

三十一其名存者十一真化至太清餘皆逸華州有府

二十普樂至懷仁同州有府二十六濟北至效誠商州

有府二洵水玉京鳳翔府岐州有府十三岐山至山泉

邠州有府十嘉陽至空山右京畿採訪使治京城隴州

有府四大堆至臨沂涇州有府六涇陽至仁賢原州有

府二彭陽安善寧州州有府十一彭池至永寧州慶州有府

八龍息至永安鄜州有府十一洛昌至安吉坊州有府

五杏城至安臺丹州有府五宜城至長松延州有府七

敦化至金明靈州有府五武略至萬春鹽州有府一鹽

川夏州有府二寧州朔順化綏州有府四伏洛至大斌右

關內採訪使案兵志關內置府二百六十一陸贄謂關

置府凡二百七十河南道河南府洛州有府三十九武

有三差互不同定至軒轅汝州有府四龍興至郟城陝州有府十五曹

陽至古亭號州有府四鼎湖至開方河東道河中府蒲

州有府三十三興樂至六軍晉州有府十五神山至仁

德絳州有府三十三新田至蒲邑慈州有府三件城至

平昌隰州有府六隰川至屈產太原府并州有府十八

興政至文谷汾州十二嘉善至清勝沁州二延雙安樂

遼州三遼城至龍城嵐州一嵐山石州二離石昌化忻

州四秀容至定襄代州三五臺至鴈門潞州一截黎澤

州五丹川至白澗河北道懷州有府二丹水吳澤易州

九遂城至龍水幽州十四呂平至咸寧平州一盧龍媯

州二密雲白檀薊州二漁陽臨渠山南道江陵府荊州

有府一羅含夔州一東陽襄州一漢津均州一至誠金

州一洪義興元府

梁州

一麗水鳳州一歸昌成州一平

陰扶州二安川會川隴右道秦州有府六成紀至長川

渭州四渭源至萬年蘭州二金城廣武洮州一安西岷

州三祐川至和政疊州一長利宕州二同歸常吉涼州

六明威至姑臧沙州三龍勒至懸泉瓜州一大黃淮南

道揚州有府四江平至邗江和州一新川安州一義安

江南道越州有府一浦陽潭州一長沙劍南道成都府

有府三威遠至二江彭州二天水唐興蜀州三金堰至

灌口漢州一玉津邛州一興化嶺南道廣州有府二綏

南番禺貴州一龍山

六典

凡關內團結兵京兆府六

千三百二十七人同州六千七百三十六人華州五千

二百二十三人蒲州二千七百三十五人選強壯免征賦
舊史職官志兵部郎中凡左右金吾衛有角手諸衛有弩手左右羽林軍有飛騎及左右萬騎曠騎天下諸軍有健兒皆定其名籍每季上中書門下凡關內有團結兵秦成岷渭河蘭六州有高麗羌兵黎雅邛翼茂五州有鎮防團結兵

隋書開皇十年五月乙未詔曰魏末役車歲動未遑休息權置坊府南征北伐居處無定朕甚愍之凡軍人可悉屬州縣墾田籍帳一與民同軍府統領宜依舊式罷山東河南及北方緣邊之地新置軍府
案李繁家傳載蘇綽初置府兵與此利害優劣殊不同蓋綽雖創始而地狹民寡而加以長征不歸未得盡行其說至是平陳乃修成法

氏曰未立府兵之前兵農本未嘗相離何待寓也唯好戰不息民失耕作無以轉餉則國貧而兵弱宇文蘇綽患其然始令兵農各籍不相牽綴既隸府額長征莫遁而居者晏然不知緣此國富兵強隋文因之平一宇內徒以兵農判而爲二故也豈必高鄴侯家傳必也李祖太宗所以盛乃遵舊法行之耳

上訪及安危曰朕欲復府兵之制如何對曰初置府兵於西魏大統中周文帝與度支尚書蘇綽之謀也自三代之後無與爲比雖戰國之教士武卒技擊皆不及時西魏之境自陝而有關中及隴右河西而已東魏河北河南三道殷實富強而自襄鄧蜀漢皆屬於梁初置府不滿百每府有郎將主之而分屬二十四軍每軍以開府一人將焉每二開府屬一大將軍二大將軍屬一柱國大將軍仍加號持節大都督以統之時皇家太祖景

皇帝

李虎

爲少師隴右行臺僕射隴西公與臣五代祖

弼太保大司徒趙郡公及太宗伯趙貴大司馬獨孤信
大司寇于謹大司空侯莫陳崇等六家主之是爲六柱
國共有眾不滿五萬初置府兵而東魏霸相高歡大舉
來伐周太祖時爲大丞相總百揆太師冢宰奉魏帝埽
境內以敵之除守禦之師共有眾三萬戰于沙苑臣五
代祖爲右軍以師七千伏渭曲歡大敗遂取東魏河東
汾絳之地後又得梁之蜀漢襄鄧及漢東周受魏禪後
竟平北齊滅梁於江陵破陳吳明徹於邗溝陳氏所保
江南而已初置府兵皆於六戶中等以上家有三丁者
選材力一人免其身租庸調郡守農隙教試閱兵仗衣

馱牛驢及糗糧旨蓄六家共備撫養訓導有如子弟故能寡克眾隋受周禪九年而滅陳天下一統皆府兵之力也時晉王與楊素等凡十八人總管率師五十萬伐陳而臣五代祖衍與弟椿姪寬皆爲總管以平之後北破突厥西滅吐谷渾南取林邑東滅流求皆府兵也隋以府兵分隸於左右十二衛及東宮率府置衛大將軍一人將軍二人卽開府之任也而柱國爲勲官皇朝因之平定天下貞觀中北滅突厥延陀列州府至瀚海西取龜茲等城郭諸國置二庭盡臣西域君長滅吐渾已而復之降羌党項爲三十六州高宗東滅高麗百濟遷其人於中國列其地爲州縣以新羅爲雞林都督府以

波斯爲大疾陵都督府亦府兵也自置府兵未有能以外叛內侮及殺帥自擅者自廢以來召募長征健兒而祿山得以爲亂至今不定復之爲便府兵之制史冊不甚詳臣家自西魏以來代掌其任臣高祖仲威從神堯入長安爲左屯衛將軍兼主太原從義之師於龍首監總南北禁軍之任所以臣家備知上曰何因廢之對曰初置府兵西魏周隋用之皆利及太宗之時每府番上必引於殿庭親自教射加以賞賜由是用之所向燕敵自初屬六柱國家及分隸十二衛皆選勲德信臣爲將軍有事則命總之出征故撫綏訓練備至以取功名又太宗明於知人拔用諸番酋渠執失思力契苾何力

阿史那社爾等委爪牙之任皆爲名將不愧由余日磾
時出征多不逾時遠不經歲而能克捷高宗始以劉仁
軌爲洮河鎮守使以圖吐蕃於是始屯軍於境而師老
厭戰矣後以李敬元爲鄯城鎮守使而敗十八萬於大
非川時承平旣久諸衛將軍自武太后之代多以外戚
無能者及降虜處之而衛佐之官以爲番上府兵有權
朝要子弟解褐及次任之美官又多不旋踵而據要津
將軍畏其父兄之勢恣其所爲自置府以其番上宿衛
禮之謂之侍官言侍衛天子也至是衛佐悉以借姻戚
之家爲僮僕執役京師人相詆訾者卽呼爲侍官時關
東富實人尤上氣乃恥之至有熨手足以避府兵者番

上者貧羸受顧而來由是府兵始弱矣時人爲諺曰將軍大彊騎衛佐小郎官是也將宰相固爲衛佐下視矣

○元宗時奚契丹兩番強盛數寇河北諸州不置府兵番上以備兩蕃諸道共六百三十府上府管兵千二百次千下八百通計約六十八萬左右衛各領府六十餘衛領府自五十下至四十七東宮六率領多至六少至三而已隋謂之鷹揚府皇朝改爲折衝府折衝樽俎之間旋師衽席之上也改郎將爲都尉又置果毅都尉二人爲之副及別將一人全府召發則折衝都尉已下偕行不盡則果毅行少則別將行每發及皆下符契於本州及府刺史與折衝勘契而發之而給其食券至幕所期

處驗其藝非精士不教習則罪其折衝甚則加罪州牧
有功而回入塞便道策勲加賞而罷之開元中元宗將
東封告成納襄光庭之策欲北幸太原揚師服狄而府
兵寡弱張說爲相乃請下詔募士但取材力不問所從
來旬月之間募者十三萬元宗大悅遂以曠騎名後以
左右神武軍與龍武羽林備六軍之數乃幸太原遣使
告突厥東封召其大臣扈從自是府兵之闕漸不復補
其戍邊者舊制三年而代後以勞於途路乃募能更佳
三年者賜物二十段謂之召募遂令諸軍皆募謂之健
兒開元末李林甫爲相又請諸軍召募長征健兒以息
山東兵士於是師不土著無家族之顧將帥脅一時之

令而偏裨殺帥自擅之兆生矣及河西節度牛仙客爲工部尙書同三品於是邊將競效積財以求恩矣及哥舒翰攻石堡發朔方河東四道之師十六萬三千以攻之殺傷殆盡關東之人西戍者邊將利其死而沒入輕齎之資故戍卒自天寶後回歸者無一二其虐如是而不敢怨叛以取之土著恐累親族也山東之人至今爲賊用懲天寶之苦一失兵柄至今不復若使高宗以來宰相得人安不忘危待府兵不失舊章安有叛臣賊子哉陛下謀及此太平有日矣上曰今已有神策六軍如何對曰府兵爲衛士神策等爲禁軍漢亦有南北及羽林孤兒禁軍卽北軍隋衛士之外亦有驍果營國初太

原從義之師願畱宿衛爲心膂不歸者六萬於渭北白渠之下七縣絕戶膏腴之地分給義師家爲永業於縣下置太原田以居其父兄子弟於龍首監置營以處并爲臣高祖起弟於監內謂之元從禁軍義寧元年初下京城爲右驍衛將軍主之貞觀初以尉遲敬德權領後二年復入領焉累轉右衛大將軍主禁旅凡二十年太宗乃以元從軍爲龍武分爲左右置將數員分掌之初高祖好畋獵於元從揀善射者百人分兩番於北門長上從獵謂之百騎太宗時亦然衣以五色賞賜優厚高宗時漸眾改爲千騎於北門別置營壘猶統龍武軍武太后朝召入轉多改爲萬騎而名羽林軍分左右置將

軍員如龍武羽林盛而龍武衰初元從軍老及缺必取其家子弟鄉親代之謂之父子軍及置羽林萬騎但取材藝燕公請募曠騎之後以爲神武軍衰矣元宗幸蜀六軍扈從者千人而已肅宗赴靈武不滿百人時朔方全軍子儀領之東討初卽位之後眾纔數千後置元帥府收其子弟有眾三萬分番於行在宿衛時擇善馬射者數百人謂之供奉射生官中貴監之以備出入翊從及收復京師龍武等六軍之士存而復上者其不滿萬思明陷東都也元帥府兵多鎮於陝州神策軍者本河州西境磨環川之軍號也中尉魚朝恩監之以眾七百人赴難屯於陝而朝恩都監在陝之師代宗卽位程元振

并監元帥府禁軍先皇幸陝朝恩以在陝之師迎駕及
還京師遂爲禁旅都以神策爲號以朝恩爲觀軍容使
領之上曰八柱國言六家何也對曰其時周文帝是謂
霸朝非人臣也廣陵王欣元氏懿賊位太傅太宗師從
容禁闔而已其總戎蓋六家也上曰軍戎之制非卿家
累代腹心之地他人無因知待平河中後當與卿籌畫
云云對曰盡聽臣言不減戎兵軍食必辦府兵亦集上
曰如何對曰關東之師約三年而代今始一年矣給荒
地牛種農具而官爲之糴每人所獲不啻絹百匹年將
滿下詔有願住者給所開地爲才業家口願來令州府
給長牒續食不二三更代則關中已實不假征戍矣因

遂以爲府兵移舊府名卽而置之分隸京師諸軍諸衛
有寇則以符契發付邊將無寇分番宿衛府兵成矣上
曰此乃神謀也詔下種麥之事軍人願者十有五六月
通鑿貞元二年德宗與李泌議復府兵
泌歷敘西魏以來興廢之由上曰侯平河中當議之三
年七月問泌以復府兵之策泌請募戍卒屯田舊制三
年而代及其將滿下令有願留者卽以所開田爲永業
不過數番戍卒皆土著乃悉以府兵之法理之旣而願
耕者什五六杜牧曰府兵內割邊兵外作戍臣伍
滿者矢往內燕一人尾大中乾成燕偏重本朝熙寧
二年閏十一月問府兵之制曰何處言府兵最備王安
石曰李鄴侯傳言之詳備宋祁言唐時出師每十爲
五馱法馬牛任從所便什物鍋幕之類皆具師行萬里
無所缺乏乞檢求庶法議可復與否或曰宇文周
制府衛法七方鎮表高祖太宗之制兵列府以居外
家共出一兵
將列衛以居內有事則將以征伐事已各解而去兵者
將之事也使得以用而不得以有之

杜牧樊川文集

原十六衛

國家始踵隋制開十六衛將軍總三十員屬官總一百二十八員署宇分部夾峙禁省厥初歷今未始普削然自今觀之設官言無謂者其十六衛乎本原事跡其實天下之大命也始自貞觀中既武遂文內以十六衛畜

養戎臣

袁公鄂公之徒
茲爲諸衛將軍

外間折衝果毅府五百七十四

以儲兵伍或有不幸方二三千爲寇土數十百萬人爲寇兵蠻夷戎狄踐踏四作此時戎臣當提兵居外至如天下平一暴勃消削單車一符將命四走莫不信順此時戎臣當提兵居內當其居內也官爲將軍綬有朱

紫章有金銀千百騎趨奉朝謁弟觀車馬歌兒舞女念
功賞勞出於曲賜所部之兵散舍諸府上府不越一千

二百人

凡有四百七十四府

三時耕稼

芳味切

襖

音釋

加音

一時治武騎劍兵矢裨衛以課父兄相言不得業他籍
藏將府伍散田畝力解勢破人人自愛雖有蚩尤爲師
雅亦不可使爲亂耳及其當居外也緣部之兵被檄乃
來受命於朝不見妻子斧鉞在前爵賞在後以首爭首
以力搏力飄暴交梓豈暇異略雖有蚩尤爲師雅亦無
能爲叛也自貞觀至于開元末百五十年間戎臣兵伍
未始逆篡此聖人所能柄統輕重制障表裏聖算神術
也至於開元末愚儒奏章曰天下文勝矣請罷府兵詔

曰可武夫奏章曰天下力強矣請搏四夷詔曰可於是府兵內剗邊兵外作戎臣兵伍湍奔矢往內無一人矣

起遼走蜀繚絡萬里事五強寇

奚契丹吐蕃雲南大石國

十餘年中

亾百萬人尾大中乾成燕偏重

去聲

而天下掀然根萌燼

燃七聖旰食求欲除之且不能也由此觀之戎臣兵伍

豈可一日使出落鈴鍵哉然爲國者不能無也居外則

叛

韓黥七國近者

居內則篡

卓莽曹馬已下是也

使外不叛內不

篡兵不離伍無自焚之患將係頸領無烹狗之論古今

已還法術最長其置府立衛卒近代已來於其將也弊

復爲甚也人囂曰廷詔命將矣名出視之率而兒輩蓋

多賂金玉負倚幽陰折券交貨所能也絕不識父兄禮

義之教復無慷慨感槩之氣百城千里一朝得之其強
傑懷勃者則撓削法制不使縛己斬族忠良不使違己
力壹勢便罔不爲寇其陰泥去聲巧狡者亦能家算口斂
委於邪倖由卿市公去郡得都四履所治指爲別館或
一夫不幸而壽則戛割生人略匝天下是以天下每每
兵亂湧溢齊人乾耗鄉黨風俗淫靡衰薄教化恩澤墮
抑不下召來災沴被及牛馬嗟乎自愚而知之人其盡
知之乎且武者任誅如天時有秋文者任治如天時有
春是天不能倒春秋是豪傑不能總文武是此輩受錢
誅暴乎曰於是乎在某人行教乎曰於是乎在欲禍靈
不作者未之有也伏惟文皇帝十六衛之旨誰復而原

其實天下之大命也故作原十六衛

南唐陳致雍曲臺奏議

序諸衛府折衝官例奏

准中書刺問諸衛所管有上中下府折衝府都尉何爲
上中下府謂十二衛管天下兵在外者有五百七十五
府每府以人數分爲上中下等各分隸在十二衛只如
左右衛有武成武安等五十府十疑府有折衝都尉各
一員有左右果毅都尉各一員若除官則以其名額通
稱曰某衛某府都尉其餘卽可知也

國朝王鳴盛十七史商榷

每府州下皆有府

新志於每一府州之下皆有小字注云有府若干此則舊文之所無而新書特增者也案惟畿輔稱府京兆府河南府是也其餘則都護府乃邊境治民之官都督府乃總管之改名今各府州下小字注有府若干與彼諸府絕無干涉此是府兵之制中所立營屯隊伍名色唐制府兵寓兵於農無事時耕於野番上者宿衛京師有事則命將以出事解兵散於府將歸於朝其無事時雖與農無異要必別自爲籍如後代衛所之制新兵志惜未詳而於地志中猶存其名目兵志言府兵諸府總曰折衝府凡天下十道置府六百三十四今地志於京兆郡多至府百三十一者以其爲京師也河南郡則三十

九稍多以其爲陪京也其餘各州郡至多不過一二十府少至一二府者甚多然則其爲府兵散隸各州郡平日無事時別立部籍名色無疑

置府之數各書互異

新兵志云諸府總曰折衝府凡天下十道置府六百三十四皆有名號而關內二百六十有一皆以隸諸衛文獻通考引章氏曰

名俊卿著山堂考索

會要云折衝府二百八十

通計舊府六百三十三陸贄奏議則以爲太宗置府八百在關中者五百杜牧原十六衛上畜養戎臣外開折衝果毅府五百七十有四其數不同愚謂章氏所考數不同者猶據他書今觀新百官志折衝都尉下注三輔

及近畿州都督府皆置府凡六百三十三與會要同與
兵志已自相違又兵志言關內二百六十一而地理志
關內道所載府凡二百七十五二者亦不同何也新書
百官志注文與兵志多重複可歸併一處而於官志但
云詳兵志又杜牧原十六衛篇自注云五百七十四府
凡有四十萬人甚分明
不知何以互異如此

雜錄

凡應宿衛官各從番弟長上折衝果毅應宿衛者並一

日上兩日下

唐六典五

凡兵士隸衛各有其名左右衛曰驍騎左右驍衛曰豹

騎左右武衛曰熊渠左右威衛曰羽林左右領軍衛曰

射聲

六典作教騎疑茲從舊書

左右金吾衛曰飲飛東宮左右衛率

府曰超乘左右司禦率府曰旅賁左右清道率府曰直

盪總名曰衛士皆取六品己下子孫及白丁無職役者

黥充凡三年一簡黥成丁而入六十而免量其遠邇以

定番弟

百里內五番五百里外七番一千里外八番各一月上二千里外九番倍其月上若征行之鑿

守者免番

凡衛士各立名簿具三年已來征防若差遣

而遣之

仍定優劣爲三等每年正月十日送本府印訖仍錄一

通送本衛府若有差行上番折衝府據簿而發之

若征

使經兩番已上者免兩番兩番已上者並

凡差衛士征

二番其不免番還日即當番者免上番

戍鎮防亦有團伍其善弓馬者爲越騎團餘爲步兵團

主帥已下統領之火十人有六馱馬

若無馬鄉任備驢騾及牛

若父

兄子弟不併遣之若祖父母父母老疾家無兼丁免征

行及番上其居常則皆習射唱大角歌番集之日府官

率而課試

六典五舊書職官志同

凡諸州軍府應行兵馬之名簿器物之多少皆申兵部

軍散之日亦錄其存亡多少以申而勘會之凡諸道回

兵糧糈之物衣資之費皆令所在州縣分而給之

六典五

舊書職
官志同

凡天下諸州公廨諸軍折衝府各四頃

六典三

外官職田上府折衝都尉六頃中府五頃五十畝下府
五頃上府果毅都尉四頃中府三頃五十畝下府三頃
上府長史別將三頃中府下府二頃五十畝折衝上府
兵曹二頃中府下府一頃五十畝外軍校尉一頃二十

畝旅帥一頃隊正副八十畝

六典三
書食貨志同

折衝府官則有仗身上府折衝都尉六人果毅四人長
史別將三人兵曹二人中下府各減一人皆十五日而

代新書食
貨志

諸折衝府錄事府史一千七百八十二人校尉三千五

百六十四人執仗執乘每府三十二人諸臺省寺監軍衛坊府之胥史六千餘人

新書選舉志

天下置公廨本錢以典史主之收贏十之七以供佐史以下不賦粟者常食餘爲百官俸料折衝上府二十萬中府減四之一下府十萬

新書食貨志

永泰二年十一月丙辰詔在京諸司官員久不請俸頗間艱辛其諸州府縣官及折衝府官職田據苗子多少三分取一隨處糶貨市輕貨以送上都納青苗錢庫以助均給百官

舊書代宗紀

武后天授二年廢潼關雍洛州置開鄭汴許衛等州制云鄭州汴州許州可置入府汝州可置二府衛州可置

五府別兵皆一千五百人

文苑英華

唐府兵六百三十餘所江淮兩道不過八九

玉海一百三十七

十二衛各置大將軍一人將軍二人總府事并統諸鷹揚府改驃騎爲鷹揚郎將正五品車騎爲鷹揚副郎將從五品大都督爲校尉帥都督爲旅帥都督爲隊正增置隊副以貳之鷹揚府每府置鷹揚郎將一人正五品副鷹揚郎將一人從五品各有司馬及兵倉兩司鷹揚每府置越騎校尉二人掌騎士步兵校尉二人領步兵竝正六品外軍鷹揚官竝同五年又改副郎將竝爲鷹擊郎將

隋書百官志下案此隋府兵之制故附存之

唐折衝府考卷一終

同邑朱學勤修伯校